

求是堂詩集

求是堂詩集卷三

負米集

涇縣 胡承琪 墨莊

楚游言懷

京雒緇塵染素衣黃金揮盡等閒歸關心入口難安枕屈
指三秋暫掩扉雪盡雁鴻同北向月明烏鵲又南飛阻風
中酒何時了閒煞溪邊舊釣磯

遮莫中秋月子昏管絃零落歇金樽人隨去燕俱如客柳
帶哀蟬更斷魂伍相有時仍乞食三閩何術爲招魂計程
重九登高節應到淮南盡處村

依稀僧寺打包忙一籠殘書一劔囊郭外有田逢歉歲秋

來多病怯新涼丁酉小女閒針黹料理慈親舊藥方不盡
浮雲游子意歸時多恐鬢毛蒼

來從燕趙去瀟湘乍過炎歊又早涼萬里一身頻往返四
時三月在家鄉歸期不定春前後別意何如水短長製就
寒衣須速寄江干黃葉已飛霜

遊子吟

烏曉月欲落鷄鳴夜未央游子乘早發茅舍明燈光嬌女
行牽衣瘦妻病在床顧此弗復戀所戀惟高堂慈顏非昔
日鬢髮生微霜知我欲行役日夕縈愁腸住憂八口窘去
憂千里長欲行未行間憂懷難具詳兒身尚膝下親心已

他鄉臨行却緘淚祇恐兒心傷兒心非木石那不增悽惶
未能問寒煥累親授衣裳未能奉甘旨累親籌糗糧豈伊
事靡盬敢謂遊有方捧檄愧毛義迴駕慚王陽寸草心如
何君看歧路旁

憫農夫

今年丁夏旱驕陽色赭赭下田圻龜紋高田聚沙礫入秋
雨已遲禾黍皆槁立我行數日間原野淨如滌農夫前致
詞欲語先掩泣自從插秧時辛勤貸種殖日用之所資一
一財賁得指彼田中禾償此市上值邇來苦焦灼桔槔尤
盡力分無篝車盈竊糞升斗入晨出攜腰鎌暮返無顆粒

落日柴門閉空倉雀鼠寂出門叢百憂入室剩四壁豪家
析鉢毛焉肯緩餘息眼見兒女行流離委溝洫我時語農
夫稍安且勿急似聞道路言官爲奏

蠲恤庸調庶緩征常平行發糶農夫聽未終吞聲愈戚戚
道此煩檄符然厝恐難及可憐翳桑人忍饑已三日我棄
無饋餽坐視爲心惻頗見積穀翁鵝鶩有餘食

青陽縣道中遇雨

空谷蕭蕭客夢驚深林浙瀝訝人行平田一片蹲鴟葉也
學高荷作雨聲

雨晴望九華山

九峯晴翠落芙蓉指點虛無景未窮
仙客洞天青草外梵王樓閣夕陽中
遙臨秋浦開明鏡迴倚天臺插碧空
待掛輕帆到湖口更將尋看小玲瓏

捉船行

天寒日落風颼颼江南江北無行舟
聞道官司捉船急西軍火急催糧籌
大船封定不移櫂小船帆影都逃絕
逃者倖免且安眠蘆中三日無炊烟
留者苦楚那堪說垂頭終日看船舷
今歲偏災及吳楚斗米何止三百錢
烟寒水涸客行少檣欹柁折帆無邊
此行千里敢論價苦被鞭箠更遭罵
朝餐糠覈苦不飽百丈長牽到深夜
做絮氈掛木

杪跟血涔涔滴石罅長年長年汝莫情
使爾曹寒且餓
官司不任遲誤過開頭爲爾祝好風
早兌軍糧載商貨順
流一日下江州飽餐白飯船頭卧

夜泊

青篷偪仄似蝸廬曲踈終朝苦未舒
林外斷燈帆落處江
干微雨雁來初脾傷怕食撐腸米
視短愁看夾注書只覺
近來移帶孔可能消瘦得清虛

苦風絕句

青山如馬浪如飛盡日中流隻舸稀
莫道謝公能作達風
波如此竟安歸

東流縣

掛席經彭澤風流此地偏
每懷高士傳況是菊花天
草沒橫琴舍潮荒種秫田
浮雲無定在高卧愧前賢

皖口夜泊

暝色村欲無驚濤岸如齧
停舟得小港千檣插筍列
晚飯沙中圍風燈竿上揭
似聞鄰船語年饑肆草竊
艇子打兩槳來往疾如瞥
官司畏多事十訴九不閱
惟宜自禁防水窗未昏閉
篋筐重鏞扁膏油徹宵蒸
釀錢飲戍卒擊折聲不絕
我時抱天游帶解燭亦滅
坦率心能安空虛備可撤
殘書多零星做裘歷歲月
青氈已無緣朱提不滿鐔
正如

道州城賊來或不屑况聞荏苒中玉石亦有別可人尚與
游名士將折節有唐李博士於此遇盜傑索贈題新詩佳
話至今說我無能詩名頗解誦雌霓七字倘愛聞八叉敢
藏拙百慮一笑置千勦終夜徹凌晨峭帆去不問何處歇

水窗即事

層窗臨水淨無塵剡紙紋如縠浪勻搦罷十三行一本風
帆之字雁人人

大觀亭

危亭突兀踞層巒千里江山信大觀溢浦西來帆影重天
門東去浪聲寒射蛟人往臺終古卓錫巖空路幾盤遙望

白雲親舍在晚風斜日一憑欄

謁余忠宣公墓

江淮狂寇簇烟塵援絕時危氣益振
百戰孤城終殉國一泓清水最娛人
豈徒南入真男子可恨譙周是老臣
三豕全家埋碧血殘碑讀罷更傷神

晤家虛齋

世浦

廣文閑話戲贈

官不必騎都尉爵不必關內侯
廣文先生滿城走人多官少空淹
留君從去冬渡皖水需次已見瓜
期周相逢試問近何狀欲言躡嚙
顏駢羞向冀守株兔可獲今知緣
木魚難求此間積薪凡幾輩寒氊
坐敝同一邱區區冷官尚如

此况欲籠道鳴前騶羈棲但見馬如狗蹇滯不異猴騎牛
周官止有三百職海外安得大九州語君聽我且勿憂有
如凍浦膠行舟春風來時江岸綠牙檣錦纜還夷猶有官
莫羨印掛肘得地莫嫌屋打頭不然請誦杜陵真實語石
田茅屋行歸休

宿松縣道中早發

鷓聲啞軋中流聞初日欲出收宿氛兩岸曉山翠的的一
江寒浪花紛紛楓香驛外自衰草桑落洲前空白雲扁舟
明日到湓口不知何處尋匡君

小孤山

誰把金仙杖投栽玉女盆擎天思作柱拔地欲無根倒影
蛟龍弭懸巖虎豹蹲禹功曾未及靈跡不留痕險削三崖
陡堅當九派奔羊腸成侍從馬脊列兒孫近訝陵廬阜迤
疑跨海門自然空倚傍渾似欲飛鸞絕頂惟通鳥危枝每
挂猿寺偏僧尚古地勝鬼宜尊憶昨金焦過猶看石碣存
丹青嫌太俗鐘磬苦成喧比比應相讓無人與並論形孤
誰復賞骨峭鮮能捫俯瞰千帆過高摩二曜昏年來羞綺
語澎浪不須言

九江舟中述懷

秋江碧如油醉人復如酒一派亦已深安用播爲九前波

無還期逐波即在後欲寄思鄉淚問曾流到否今春卧蹀
車謁如銜窶數頭無光七尺胸有塵五斗歸來草堂中未
啟讀書牖稍歡倚閭親頗慙下機婦鹿鹿聊息肩烏烏自
擊缶亦復相過從同袍二三友肥烹鮑家葵細剪庾郎韭
子羽任頭責將軍笑腹負詎知雲漢災荒我田十畝祗聞
人呼庚難望歲在酉依然束急裝學作牛馬走輕舟更机
隍日聞風伯吼望望多歧途未辦遇誰某陶公茲故居高
風動五柳永懷貧士詩故轍尚宜守

庚樓

征西人往嘯臺空城上危樓尚眼中此去久拚塵撲面不

將腰扇障西風

烟水亭

極目蒼茫處中央忽此亭九江浮檻白五老落檐青荇藻

皆明菡萏驚自杳冥甘棠有遺愛頽廢更誰經

亭在甘棠湖中時已

圮就

晚過琵琶亭

清江九派浸寒沙送盡征帆日已斜一片蘆花兩行雁斷腸何必爲琵琶

記聽吳娘暮雨歌蘭陵酒醒淚如河今看白袷痕猶在應比青衫溼處多

舟中望廬山放歌

我從秋浦浮輕舸九華滴翠手可撈別來如與親友隔移

人尤物原難拋

二句俱用黃山谷語

廬山在念亦已久揭來潯陽江

上荻花楓葉聲蕭騷榜人語我風利不得泊但望匡君五
老相逐雲中遨安得手攜仙人綠玉杖石梁飛跨先猿猱
卧看康王谷中水簾二千五百尺濺珠漱玉流滔滔仰視
白雲紅日咫尺到霄漢俯瞰長江左里晨夕揚波濤迴崖
沓嶂不知路忽見石門呀然中豁如雙螯其中丹泉翁漈
碧樹周遭琪花瑶草滿芳甸金樓銀闕揜連翥玉童爛睡
紫芝熟飽噉味勝綏山桃清風習習出兩腋揮謝人世如

鴻毛詎知嵇康福慧薄石髓一出成堅牢蓬萊已被海風
引祇學夢游天姥馳輪尻返神入定爽然失笑我平生息
影棲蓬蒿黃海百里不能到况欲陵風輕舉追盧敖縱非
靈運心最雜亦恐劉黃宗竺見我攢眉逃掛帆十里一回
首猶見香爐烟篆縈白豪卧游苦乏少文畫惟有朗誦萬
遍廬山高

舟中九日

不作龍山會翻疑曲水遊如何重九日猶自一孤舟舊佩
黃房暗殘杯菊蕊浮西風將落葉蕭瑟滿汀洲

昨歲呻吟候前秋潦倒時三年逢此節一笑竟無期爲憶

登高賦因歌陟屺詩倚閭懸望久白首苦低垂

蘄州咏竹

直節疎筠飽雪霜賞音難得蔡中郎何如織作琉璃簞鋪
向佳人錦瑟傍

赤壁

雲氣連朝暗江聲入夜長魚龍方浩蕩鵬鶚忽飛揚形勢
三分國功名百戰場無邊懷古意最是愛周郎
斷岸猶千尺輕舟暫駐橈江山幾兩屐風月一枝簫詞賦
空蕭瑟賓朋久寂寥臨臯亭下路日日對寒潮

漢陽客感

槐黃初結夏露白又悲秋未擬逢燕俠翻來效楚囚曲聞
商女怨人笑賈胡留廓落徒羈旅眞令宋玉愁

江寒生日暮海漏注宵長始信愁無底〔補〕知醉有鄉芷蘭
都萎敗雲雨半荒唐惟有青天月多情照客牀

安心還少住混跡且相從漢水鴨頭綠魯山鼇背紅難求
君子水聊共庶人風客意渾何似翩翩雪裏鴻

金穴由來好〔竈〕知住者貧二南空雅化三戶有疲民鬧市
珠兼桂叢祠鬼奪神倘逢行澤畔應是獨醒人

浪游吾道在汎愛寸心非水蠅窺人影山禽恠客衣矢弓
爭構怨抱甕孰忘機爲語荆山璞深藏莫露輝

桑梓他鄉話葭莩幾輩過周旋爲客慣窮乏識人多一聞
作吳語四鄰聞楚歌扁舟明月裏何處弔湘娥
不識誰家遶飛聲滿楚天新寒生鴈外歸夢落鷗邊被舊
無長線琴枯有斷絃流光空迅速容易到殘年

自知無酒分敢望有詩名總以別離感重之搖落情依人
希善策得句是秋聲莊鳥還多病吟成淚欲傾

黃鶴樓放歌

昨夢騎龍朝玉皇玉皇深居閭闔垂衣裳仙官一麾九重
閉使我不得鶴立通明旁手捫鍾乳青蕩漾雲路深沉失
背嚮雷昏電笑忽昏仆覺來仍墮滄江上江上亭亭好樓

閣樓中更有黃仙鶴登樓欲借仙鶴騎鶴飛久已歸瑤池
青冥無梯不可上祇把玉笛臨風吹笛聲吹裂斑竹林九
疑窈窕蒼梧深英皇幽憂屈原怨但見三湘七澤生愁陰
鸚鵡洲漢陽樹古冢累累不知數吳宮楚殿俱埃塵惟有
江流日東去憑欄咳唾珍珠堆旁人見我重徘徊風塵往
往溷仙跡費荀王呂生疑猜人世滄桑不知幾那有神仙
久居此金丹未成頭髮白羽生蟬蛻虛言耳樓亦不必搥
鶴亦不必招試問費長房何如王子喬吹簫一旦仙可得
精心不過徒詼嘲惟有游於九垓以外萬劫不到處翩如
若士辭盧敖燒丹煉汞看爾曹

戲題盧生卧像

莫笑盧生夢欲終黃粱未熟已知空龍華小會人天劫只
恐神仙亦夢中

仙棗歌

神仙不勢利不問富貴惟因緣君不見黃鵠磯頭仙棗樹
至今父老猶能傳太守不得食小吏飛上天想是太守胸
中足荆棘豈有交梨火棗生寸田曼倩偷桃自詭譎姮娥
竊藥空嬋娟豈如此吏私食安期棗竟至玉皇香案前既
不知永樂之種空無核亦不羨君房所啖大如拳紅霞入
口頓羽化如此作賊何安便海枯石爛仙棗死危亭尚存

三兩椽虬根入地積鐵重霜皮溜雨精鏐堅豈有枯槎出
新枿祇見蔓草埋荒烟我來摩抄等銅狄道華獨享〔甯〕非
偏平生亦有子史癖天上應少愚懵仙一枚倘賜換凡骨
或能頓悟前生禪肯學秦精怕受毛人橘負茗空返心茫
然

武昌懷古

黃鶴磯頭望鄂城居然形勢控全荆三分角逐曾開國六
代倉皇僅駐兵草色秋荒陶侃宅江聲夜達呂蒙營毛人
泣堞龍投水此地知經幾戰爭

勝朝曾此拓藩封青蓋朱輪作鎮雄篝火跡同陳勝滅苴

茅恩比楚元隆徒憐宰相從容盡詎料將軍跋扈終此日
清風滿江漢南岡斜照夕濛濛

懷家藥西秦中

前春送爾游秦去今歲秋風我在荆兩地相思同作客七
年征戍合休兵

時聞秦蜀賊匪勦除就盡

雲開華岳蓮花幕月照潼關

細柳營遙想倚鞍磨楯鼻飛書健筆正縱橫

登大別山

秋風起江漢萬籟集關閫何以散羈愁浩蕩出塵外坡陀
如連鼉古苔繡穹背綠跋涉層巔俯仰有餘態兩郡一江
分此間得其槩鬱鬱武昌樓遙遙恰相對鸚鵡洲邊雲鳳

鳳山上黛一色渾莽蒼片時互明晦漢陽在其麓俯瞰盡
城內雉堞森參差蜂房綴瑣碎郭外即清江人在琉璃界
帆檣影離離村墟烟曖曖山頭七蘭若一一如負戴齋堂
鐘魚寂禪室花木藹開窓見後湖絕似鷄鳴埭時有渡人
船雙槩信風快坐久落庭陰楚天生夕靄何處笛飛聲令
人發遙嘅

晴川閣

峒巖傑閣盡芳洲陵動飛甍倒影浮隔岸樓臺相對出極
天江漢合并流參差樹色烟中見歷亂帆檣檻外收寒日
登臨人跡少晚風吹送笛悠悠

郭外千家半掩扉，客心孤迥此間依。
微風漢口人爭渡，落日荆山鳥獨歸。
江上白蘋隨去棹，巖前黃葉點行衣。
何須更問烟波里，愁煞鄉關舉目非。

寄懷家翥雲

憑君莫漫學寒號，且飲亡何讀楚騷。
舊債似山須好負，新愁如髮要頻搔。
瘦將軍有一圍帶，短主簿無三尺袍。
杜牧文章纔第五，從來戴石是靈鼇。

科試君名
在第五

汎舟湖中循大別山麓至郭公堤步歸

霜清雲日鮮，平湖蕩空碧。
乘舟遵枉渚，緒風送片席。
細穀浮纖鱗，長川睇遙翮。
半陂浸層巒，倒影動深黑。
蘋藻交澄

澗藤蘿翳翠壁理棹隨沿洄緣椒費攀陟言登郭公堤蕭
灑散輕策夾岸雙鑑明負郭萬椽積樹色寒欲浮人烟淡
將夕經旬困喧卑及此愜幽寂晨出足忘疲暝旋夢亦適
清游良獨難誰能惜筋力

接家書

昨日來江鴈家書一紙投才看無急字頓解不開愁親病
秋初健田禾晚更收遙憐小兒女都著木棉裘

寄懷舍弟景湯

悔拋耕釣逐時趨牢落空成一腐儒幾度看雲思骨肉何
時聽雨話江湖薄營貲產憐光伯長侍農昏羨阿奴昨接

平安書一紙殷勤只是寄文無

即事

江流二別接天長楚尾吳頭望渺茫紫蟹不堪連日病黃
花猶作故園香倒冠落珮此生分高髻闌肩時世粧笑把
塵纓無處濯擬隨漁父問滄浪

何必周南嘆滯留楚山寒雨總堪愁無多行具惟磨鏡別
有心情在倚樓雲夢澤陰偏易夜瀟湘天碧不禁秋空聞
風信連朝好送盡江干下水舟

郭公堤

夾岸湖光映曉空長堤人在畫圖中遙知柳暗花明日只

有春禽喚郭公

見說桃花映鏡潭
邈來不見落紅酣
惟餘千樹依依柳
曳雪牽雲似漢南

武昌西山懷蘇文忠公

玻璃江上客何事
落人間赤壁初成賦
黃州未賜環心猶
懸北闕夢却戀西山
五載空拘滯扁舟屢
往還陳巾常自著
潘釀不曾慳醉嘆
吳宮廢吟看楚藪
閑寒谿清可鑑翠
木蔚休刪祇覓刀圭
藥難歸供奉班蛾
眉應共妬箕口孰
能闢此地堪千古
先生更百蠻我來
尋古寺頓覺異塵
寰鬱鬱松枝亞蕭
蕭榭葉斑八分泉
浩淦九曲嶺孱顏
往事

猶堪憶高風未許攀讀書餘淨業識字始憂患無計隨鞭
韉憑欄涕淚潛

懷家崇垣

世牖

孝廉

聞其就館陳州未知果否

五月征車出

帝城同搖殘夢嘆勞生只今江上風波惡轉覺塵中道路
平閱過艱難都記憶別來行止未分明君如已到東州幕
正共長淮一道清

憶友

讀罷商高一卷經應知銅鋌炸全青夜深見否遙天裏翼
軫躔邊一客星

將往豫章舟泊夏口適逢自家來者從之問訊口占

一律

連朝鄉思苦難裁江上傳書鴈未回
正買舟從歧路去恰逢客自故鄉來
休詢行止身難主欲問平安口怕開
見說慈親仍朗健今宵歡喜盡餘杯

岸上步月

獨夜停舟處閒行上釣磯
月明淮甸闊烟重楚山微
靜覺江聲大寒憐鴈影稀
石邊歸逕滑清露已沾衣

團風鎮

水落見平沙帆隨一鴈斜
碧山將日暮紅樹幾人家
小市

臨江店寒漁隔浦又天涯苦流落鄉思入昏鴉

舟中悶甚阻風巴口因得登岸眺覽

楚水疾於馬楚船小於斗有客浮梁人居貨船中守包籠
何纍纍不知是茶否我時游漢陽行將往江右附舟爲寄
生入舟爲窶藪偈仄無留餘踟躕失高厚偃蹇几碍足欠
伸篷壓首既如入甕人又類居巢叟茶爐與藥竈一處并
堆阜飛灰糝枕席齷齪不及帚射眠祇裘僕閒話難覓友
彼客直僮耳兀坐如木偶更欲藏若虛未肯啟窗牖閉置
一艙中三日新嫁婦黯黯迷東西瞢騰失卯酉不見睫在
眼祇恐柳生肘轉喜石尤風一阻三日久着屐輒登岸快

若因脫杻好山不知名高聳異培塿竹樹自蕭疎松枝復
蚴蟉登臨豁胸臆雲夢吞八九

剪江

十月下荆江一葉陵風舸宜若矢離弦不止車炙輶詎知
逆風吹船頭浪花墮一兀舟不前再折帆已躡啞啞空蕩
橈撇捩時轉柁岸脚牛磨旋山頭馬絡騾雖免退飛鶴豈
異仄行螺指東拗而西欲右牽之左書冊落葉翻肴核糝
糠簌釜竈頻遷移几席未沾安危聞劍米炊苦類鉞毬坐
如何橫日民幾作側生果須臾風更大傾覆測將巨舟師
與估客怨悔互侈咳失色徒看人平情試聽我包載本輕

生貪程亦賈禍此時正中流安得貴人跋各宜返平生忠
信或無顧性命苟不絕庶幾出轍軻轉瞬得反風救危勝
滅火平江直如繩片帆仍婀娜

舟次雜咏

江急潛虬怒風高落鴈驚艱危雙鬢禿貧賤一身輕客計
依長劔鄉愁入短檠寒宵人不寐書冊半牀橫
小泊爭投港濼洄共一渦敗堤維纜急高樹受風多客意
憐幽草人家賴晚禾淮南村落近米價問如何
林開類見驛岸轉又逢城久泛諳風信閒吟問地名酒杯
朝岫色茶鼎夜濤聲幾日無塵累新詩取次成

曲岸

曲岸迂迴盡連櫓次第斜霜清聞橘柚月黑見蘆花旅鴈
頻驚火眼鷗自占沙微生甘苦異毛羽不爭差

九江遇朱二芝亭

務暫話別

我從漢陽來偶爾潯陽住君今何所向向我來處去我舟
與君舟相隔尚百步初時渺不知兀坐對翹鷺僕行岸上
回云適與君遇我知君在家謂必貌似誤僕言審是君急
書片紙付火速迎君來輕舸一錢渡別君已隔年思君難
計度輪轉勞寸腸裝積滿幽襟腹如癢欲搔喉如噎欲吐
擬將千日懷傾襟一瀉注詎知覲面時執手竟無語如列

十七史欲說起何句矮艚不暇入倚梳聊蹲踞始知君有
行亦爲八口故我此歷荆吳可憐學趨鶩門隨食客投緣
類梵僧募君還瀟湘游我將章貢泝語未及更端舟師促
何遽判袂才須臾君行尚回顧挾椀即開頭前山日將暮
藹藹香爐烟蒼蒼石門樹社燕與秋鴻分飛不知處

書所見

搆金伐鼓尊官過醜酒焚香賈客還盡日只依烏榜看幾
人能似白鷗閒無邊落水都隨水最好斜陽却近山我亦
他鄉留滯久勞筋何自息柴闔

渡鄱陽湖有感

岷江分派接宮亭，潮落波平失渺冥。
寒日蛟龍藏大澤，饑年鴻鴈滿荒汀。
箠囊有客空垂淚，涸轍何人爲乞靈。
最好分風神似舊，賈帆來往盡揚舲。

大孤山

潮落方依岸，雲橫欲際天。
遙知千頃濶，更覺一峯偏。
石壁嵌青黛，香爐接紫煙。
推篷看不極，塔影落舟圓。

西江

連朝順溜得安眠，轉瞬翻成上水船。
入境移來多似此，客懷放下便蕭然。
白沙翠竹通村路，淡日寒雲欲雪天。
待把西江都吸盡，可能參透幾乘禪。

吳城夜雨

更聽蝦蟆急舟依舴艋新江湖行盡處風雨未歸人敗葦
聲偏攪寒燈影自親夜深看劍氣何日化延津

晚抵南昌

章江門外水都涸鐵柱觀前日半銜回首西陵風送客維
舟南浦月隨帆依人敢覓陳蕃榻作介難拋殷羨函且覓
餘干桑落酒醉看烟靄滿層巖

客久

客久身逾瘦天寒日易陰加餐慈母念落葉異鄉心淺碧
殘燈暗微紅宿火深冠巾頻欲卸短髮不勝簪

百花洲次錢香樹先生壁間韻

棲鴉流水好林塘六枳籬
芭薛荔牆鴉子宅荒衰草合
鴛鴦近野蔬香千家烟景
亭中集一片湖光樹裏藏
却對枯荷懷往日鏡波花氣
送新涼

蕭蕭黃葉點苔斑
一二僧寮退院閒
曲牖玲瓏仍可瞰
危梯杌隍未堪攀
聊將荇藻平湖水
盡洗風塵倦客顏
冠蓋滿城忙
不了誰來拄笏看西山

滕王閣

時梯朽
不得上

世間乃有好事鬼
解助風帆七百里
年少能文最可人
閣中一序千秋矣
當年九日華筵開
末座拈毫迅掃來
不負

驕王能選勝轉令俗吏亦憐才子安潦倒空身世只此區
區差強意落筆看癡入幕賓當軒羞殺乘龍婿祇合常吟
孤鶩飛何須更檄鬪雞戲微命多窮甯待老因緣禍患皆
文字海上騎鯨遂不歸千古才人同涕淚至今高閣擅江
西拂蘇來看壁上題摩挲碧落猶留碣惆悵青冥却少梯
眼前有景不得見躑足寒天頭苦低自分無緣遇伯嶼可
堪有恨如昌黎

僕僕

行路三千里懷人十二時惺惺常不寐僕僕竟何之身世
倉中粟功名鏡裏絲西風本無忤何事苦相吹

長至

肥冬饋食猶吳俗
冷客吹灰自越吟
日是初長渾不覺
家非久別已難禁
梅花香動高樓笛
木葉聲清隔巷砧
詠罷閒窗無箇事
還呵冰硯寫來禽

寄懷家蓮浦

江上晴雲接雨雲
時聞哀鴈叫離羣
故園殘臘相思處
除却梅花便是君

晚發南昌野泊大風終夕不寐

又向章江卧白蘋
那堪萬慮醒還新
年荒酒味薄如魯
野曠風威狂似秦
遙鴈聲哀先入夜
早梅香祕未逢春
片帆

明日愁難掛欲望西山悵隔塵

豐城夜雨

暝色水邊集寒聲林際來那堪今夜雨思煞故園梅滴滴
青篷碎蕭蕭白鴈哀遙天牛斗隱撫劍重徘徊

岸上步至野人家題壁

塵飛不到處日暮欲寒時白板三間屋清泉一畝池霜林
春穉稔烟艇載鷓鴣此景誰人畫拈毫爲賦詩

昨見

昨見饑寒者眞如涸轍鱸高年多菜色大屋始炊煙衣盡
長生庫鄉無續命田西江如可決吾欲爲呼天

峽江縣

亂流明滅處野渡有無間
小塔尖生草孤城背在山
市虛人散急川靜鳥飛閑
玉笥空遺宅梅仙去不還

江村

望裏江村好柴門幾處偏
夕陽衣桁底疎木鳥巢邊
樵擔歸都重漁罾掛盡圓
危檣依曲岸已泊兩三船
落葉籬邊積羣山屋後斜
寒雞都上樹歸犢自知家
汲水連青竹沿堤踏白沙
憐渠居住好渾不識天涯

鷓鴣謠

咄咄鷓鴣不如禿鶯禿鶯飲啄得自由
鷓鴣終朝爲人謀

鶴立鷹視臨滄洲沒此出彼如輕鷗小魚口啣出中流大
魚必用全力搜啄斷鬚鬣徐徐浮攔鯤殄族氣更道矯翼
歛翮升漁舟之而戢戢堆千頭豈有一二入爾喉功多賞
薄當自尤殺物媼人良足嗟吁嗟鷓鴣盍早休

晚過吉水縣

細石浮灘面清江遠縣門人歸沙上路鳥下樹邊村晚
晚
悲寒序飄零憶故園征帆猶未歇郭外已黃昏

臘月十二日自吉水抵廬陵縣

望裏螺川近來帆自吉陽夜眠雙槳月晨載一篷霜負郭
魚蝦市連村橘柚鄉青原何處是愁見鷓鴣翔

青原山有鷓鴣嶺西

陽雜俎云鷓鴣飛逐月
數於十二月十二日起

聞家玉鏹孝廉歸里

曲江花信催愁處
蕭寺鐘聲破夢時
落第心情同恍惚
還家踪跡又參差
殘年作客風光異
永夜懷人月影知
料得歸裝應爛漫
燕雲齊樹幾篇詩

望夜坐月

獨客當遙夜
他鄉送故人
猶千里隔月
剩一回圓玉斗
闌干後銀河
絡角前誰來
分半臂珍重臘寒天

小歲

吳俗由來小歲忙
灑塵懸影敞虛堂
看人門外更春帖
憶

弟燈前上夜香
歲歉料無新
秫麴家貧都是舊
縐裳獨嗟
膝下睽違久
何日斑衣獻壽觴

除夕

生過二十七
除夕二十六
回都在家已自一年
成道長那
堪今日尚天涯
歲無疆域誰能守
鄉隔烟波目易遮
憶得
梅枝牕影裏
虛將歸信卜燈花

今是從知定
昨非年來事事與心違
打灰更莫求如願
載
土惟應賦曰歸
刺繡倚門從所好
讀書博塞等忘機
夔夔
歲鼓沿街響
那識誰家早掩扉

癸亥元旦

一醉屠酥百慮刪市聲初動又塵寰客中瑣節宜從簡愁
裏高眠不算閒春入新年遲半月

正月十四日立春

夢回故國隔

千山憐他彭蠡隨陽鳥已備東風整翮還

水涵西江見底清片帆猶滯石陽城路歧家信經時斷天
暖郊原一味晴市酒酸多聞便醜鄉音俟甚聽常生故園
風景知何似只有街頭爆竹聲

人日游青原山淨居寺

靈山留勝境人日入新年市井繁聲寂風花一路妍玉梅
香臘後金柳縱春先蟬合疑無地林開別有天雲杠橫隱
隱乳洞溜涓涓石色皴蒼潤藤陰罩碧鮮駝峯形自聳鷓

嶺勢如鸞結構精廬古莊嚴妙髻偏經樓藏翠貝寶座湧
青蓮怖鶴飛依樹生魚躍在淵危亭欹五笑古井湛三泉

問寺猶唐建募碑半宋鑄平原筋稟凜

顏平原隸書
禮闈二大字

山谷

勢翩翩

黃山谷游青原山
詩石刻尚嵌殿壁

晨鼓留僧飯

李忠定公宣撫荆
廣於此飯僧有石

刻詩今
在齋堂

宵燈問佛緣

文文山書青原山三字額又詩
云夜彤燈前客江西七祖家

文章

壽金石忠孝即神仙勝國翰林老空巖衣鉢傳歸雲尋舊

趾法蔭認遺椽

歸雲閣法蔭堂
皆智公所建

昨過雙峯寺今參七祖禪

西江滴水接南海瓣香然影靜浮圖峙心清梵唄宣揭來

逢水竹最好避塵烟隔歲仍瑪滯羣兒漫絆牽洪崖空拍

右靈運合生前八垢誰能掃三乘未易研惟求名輩跡莫

問頓門禪却望迴途迴斜陽散廣川

十一日喜雪

後三日立春

瀛洲誰把玉爲塵剪水飛花六出新南國頭番堪補臘東
郊三日恰先春但教宿麥除遺臘莫問層冰碍躍鱗驛路
泥深舟楫凍不妨留滯未歸人

十五日晚發吉安

野岸梅將落遙天鳥倦飛愁常先夢到客已後春歸彩勝
家家製花燈處處輝團樂三五月只是照征衣

舍舟登陸晨發大通驛

殘夢搖搖逐去旌歸裝愛速不嫌輕熊魚兼兩原難得僕

馬成三亦有情念我一家徵耳熱向人半載足顏頰遙聞
風撼荒村樹猶似江濤洶湧聲

求是堂詩集卷四

授經集

涇縣 胡承珙 里

戲贈岫列軒牡丹

隔年相見奈愁何，儂是劉郎省識麼。
夜雨園林驚夢早，朝雲花片寄情多。
芳容只合長年少，貧相依然老阿婆。
一事思量無負汝，豐臺芍藥未看他。

松竹軒看牡丹

春風吹紅來，春雨灑綠灑。
雨絲風片中，織成花世界。
未放海棠顛，却作牡丹會。
初筵既以開，後飲不須戒。
更迭爲主賓，脫畧肆談話。
佳哉松竹軒，絕勝蘭鹿柴。
數叢著色花，朋

脂淺深畫但取錦繡多何須盤盂大

主人頗嫌花小聊爲解嘲

可惜植

花時位置畧緯繡金屋貯阿嬌此如置廢厩安得明瑟軒
宏敞無礙註黃蜂作團飛綠鳳倒身掛移來三婦艷合并
心始快斯須羅几筵肴炙紛可噉且以醉爲鄉轉驚詩積
債我友提偏師薄險逞狡獪羸者欲當之交綏甚矣憊羣
看六出奇坐令兩甄敗

頃與朱崩坡賦岫列軒壯丹已六疊韻

已劔不自懲

技癢復如疥祇因岫列軒禊日集賓介裁箋廣徵詩琳瑯
列金薤於茲獨無言恐被花神怪夜永重挑燈颯開風雨
屆寄聲賢主人惜花意無懈勤張五綵幡勿令顏色壞補
過祝花神盛賜明年拜

次韻朱蘭坡珩吉士悠然亭看牡丹頗以今年花事

不盛爲歎作此解之

名園不似冀北野誰歎相花如相馬牡丹之愛衆所同真
知畢竟世間寡朝酣未解便可人大小何須論杯斝花殊
肥瘦芳不殊一種天香自清瀉憑將花譜紛雌黃爲后爲
王總妄謾天公著意相養成澹雲微雨非苟且璞園主人
開綺筵座中不少知花者解嘲自欲學揚雄劇飲人皆如
陸賈似把珍珠慰寂寥不令環肥獨艷冶我謂國色自有
真目論紛紛概可捨春風獨出冠衆芳並是真王孰爲假
錦帳自可施十重玉骨何妨剩一把沈王張目空爾爲尹

那避面本相下春蘭秋菊各一時此語均平若宰社金谷
不用鬪繁華好令栽培等美檟悠然亭子岫列軒勝日尋
游皆是也憐君濡筆作此詩比事屬辭極妍雅不許春隨
花事闌免教花被春愁惹君今豈有不平鳴聊題紅薦品
綠姹却從世俗加鍼砭使我聞之一笑哆維誦新圓如彈
丸又如以杖關輪鞅我不與會亦無懜是日予適見詩未
以事未往肯甘鐘啞有言况復獲我心即夕吟成燭屢施邯鄲之步
西子翠學之那復計妍媿欲教妙手畫折枝不用丹青與
聖赭倩將瘦本持贈君便與君詩墨同灑

蘭坡見示詩藁題後

長安不枉住經年贏得珠璣二百篇蕭寺繙經先證佛壬戌

禮闈同寓
憫忠寺

蓬山得句更如仙西崑久薄楊劉體東壁行饊

甲乙編自笑春風都相穰吟情辜負落花天

寄懷家蓮浦茂才漢陽

江漢春波綠淼瀾我歸君去兩參差一千里似行相避十
二年纔別許時處士墓前花簇簇郎官湖上雨絲絲郵亭
畫壁憑閒訪可有王郎絕妙辭

聞蓮浦舟行遇盜感賦

清溪一曲江之澳我昔遇風君遇盜人生其奈有命何什
一未營鬼已笑飢驅枉自輕江潭天窮人厄兩難料我歸

未久君旋行送君覆轍戒毋蹈作書正欲致魴鱖出門詎
意逢虎豹傳聞獨岸依輕舟火光火突來競鼓噪七縑若有
[寶]復遺百篇雖工恰不要咄嗟此盜亦雛耳妄意所藏真
昧冒孔蒿之馬那可攘姜肱失服終不告盜乎盜乎當送
還或可重邀酒食勞因君轉憶遭風時勢比狂徒更騰越
祇緣江神怪我頑推出龍宮一夢覺君今乃被盜擲揄悔
費膏油遍搜照平生處處與君同狂謀謬算並顛倒盜亦
有道徒爾爲富不可求從吾好

次韻蘭坡辱題拙藁二首

一曲秋風楚客辭推敲句法苦無師送人那得人相送知

我何如我自知咏檜無心翻得謗看桃結習又成詩銜豪
坐覺窗寒迴直到殘燈焰盡時

投將瓦缶致鈞天幾費瓊箱五色箋刻畫雖工徒益醜刀

圭不賜豈能仙多慚黃鶴漫題句忽憶碧雞新製篇

君家碧雞

來巢有前後碧雞行
空喜吟朋能久住玉堂歸限是明年

聘貓詞

衣鹽穿柳聘烏圓已辦今宵放枕眠絕似雲中徵魏尙句
奴何敢更窺邊

竈下木如奴產子

子家牝貓所生特遣取至館中

館中翻遣使迎賓相看

不用驚相避原是紗帷舊主人

分與先生饌具餘休教每食嘆無魚忘機那用營三窟著
意相煩護五車

苦雨

不聞春將盡

是歲閏二月

多陰晝便生疑將三月雨爲補一冬

晴隱几如中酒披衣勝膠餉潏潏簷際溜日作惱公聲
只疑天亦漏還恐地將沉野水全侵路春雲遞出岑誰家
烟作冪幾日樹成陰好友衡相望何當著屐尋

喜晴

愁霖喚奈何昨日尚滂沱忽聽朝陽引如聞得寶歌鳥聲
穿樹出花片入池多判得泥沾屐庭前唱踏莎

三月十六日送春

天門開處火符馳，勾取春回不許遲。展限已教桐葉葉

是年

閏二月

分攜那管月如規。杜鵑著意催歸去，芍藥由來號可

離。却似送行先檢歷，可知今日本非宜。

風上記是日忌
出行水陸不吉

去年相送潞河旁，塵土東華望渺茫。塞北自然無著處，江
南仍復是他鄉。癡蜂稚蝶空留戀，浪紫浮紅漫較量。賺得
渚山啼鳥苦，十句聲喚爲誰忙。

已分花光小苑殘，且因風雨暫盤桓。留香自放深深幕，護
艷還施曲曲欄。恰恨去時衝薄濕，翻愁別後帶餘寒。饑驅

我是新歸客，飽識人間行路難。

是日
微雨

誰遣匆匆唱渭城祇因有脚愛邁征難求蓬島長生樹欲
賦藤州小盡行拚得黃金無處買催將白髮等閒生尋芳
舊約多辜負應笑吳儂最薄情

年光如錦世如花一出東郊日已斜大抵韶華隨逝水非
關久住厭貧家驚心怕聽迎梅鼓惜別聊供結柳車莫更
明湖堤上過紛紛飛絮滿天涯

墻頭綠葉盡成陰枝上黃鸝帶別音佳客暫逢原易散笑
人已嫁便難尋休吹羌笛聲多怨此去吳江水正深爲問
遨頭諸士女可能消遣後時心

金谷繁華頓寂寥玉門關路更迢迢全驅衆艷隨流水剩

把濃陰鎖舊條，向後總成無賴。目從前虛度，可憐宵癡心。
欲學升天法，偷向星垣轉斗杓。

簇簇疑排彩仗，班飈輪飛處，豈容攀引。將鳳子過隣舍，拋
得鶯兒在樹間。浮世本來皆逆旅，閉門從此似空山。誰援
錫鼓催春，倒竟奏通明乞放還。

庭陰落處，又黃昏踏徧首階，欲斷魂。燕子雙棲，閒話別梨
花一夢杳無痕。中央池水生魚婢，下番園林長竹，孫試擬
烹鮮。燒苦筍安排，清餞伴芳樽。

嬾捲湘簾，嬾倚樓，送春心事。忽如秋應歸芳草，不生處莫
到夕陽垂盡頭。金縷歌殘，花已謝，玉壺酒盡，客難留。風光

幾度催人老一種河梁萬斛愁

寄懷翥雲

短李迂辛可笑人劇憐才思擅清新把茅足蓋何妨住

君近

密所居室賃屋而住

斗酒能賒未是貧歸路泥深芳草屐吟邊風岸

落花巾經時一見匆匆別誰是華嚴自在身

小疾

空山陰盛暑猶微五月何曾著葛衣舊壁燈昏羣鼠出
窗風定一螢飛河魚有疾妨眠食塞馬無心任是非絕憶
園林新雨後枝頭梅子十分肥

即事有懷

長夏秋先入空齋晝便陰微風高樹亂細雨小窓深靜味
詩書供閒愁歲月侵故人千里別誰共此時心

寄蓮浦

故人仍漢上屈指又端陽競渡悲茲地登樓况異鄉筠筒
詢俗舊玉笛喚愁長憑吊知何限歸應倒錦囊

晚晴

驟雨一番過好風無限涼高枝閒滴響細葉靜流光山態
半窓活泉聲諸澗忙鳴蜩爾何樂嘒嘒送斜陽

喜蓮浦回里

歸帆五兩趁南薰飽看江東日暮雲且喜青氍還故物莫

因絳帳有移文書經梅雨防新蠶髮散松風洗宿氛稍待
初秋涼月上逕來煮茗話宵分

過家玉鏤齋頭遇雨

尋君旁午扣柴關庭院陰陰鳥雀閒一徑竹松清似水半
墻苔蘚古成斑風聲挾雨先穿樹日色藏雲不滿山應爲
晚涼留客飯杖頭剛破百錢慳

同人溪頭步月有懷

欲雨不成雨習習微涼生浮雲遞解駁月出溪光明遙夜
市聲寂執手沿溪行沙氣蒸霧白嵐霏和烟青澗泉漱月
色流入層潭清炯炯玻璃碎細細瓊瑤鳴藉草復散髮清

談堪三更綠草一團濕露下淒已盈佳人隔咫尺欲往前
山橫胡爲厭久坐遽起歸柴荆聚首不盡興離居空復情
夜聽石泉度曲

雨餘草木含清香小園暑退生微涼好風入戶如有約滿
堂搖動蠟燭光頻斟濁酎汎杯綠浮瓜沉李歡不足興酣
隨意移胡牀背有隱囊腹碁局漸看幽月當藤蘿對客起
舞衣娑拖韓公不解紅裙醉謝傅還憐白苧歌歌聲一發
羣語寂花外啼鶯清嘒嘒勸君莫惜知音希更倩旁人爲
吹笛笛中宮徵高復低曲折能與歌相隨梁塵颯颯落如
雲簷際片雲停不飛初聞繡戶傳嬌語月白風清奈何許

數番哀艷斷人腸
棧閣淋鈴聽秋雨
曲終亂以吳歛新鷗
絃撥出江南春揚州
二月瓊花觀晉陵
十里垂楊津因之
忽憶去年事漢江
風景依稀記鄰舟
擲笛聞落梅天涯滴
盡羈人淚彈指茫茫
又隔年歸依講舍親
丹鉛青衫尚有
雙垂筓赤壁重思一
扣舷佳辰勝踐半辜
負此樂年來豈
常有酒殘歌罷客亦
行予懷渺渺君知否

夜過家秀巖蘇茂才齋頭不遇

濯足到溪頭尋君草
閣幽月明池欲曉風
細簟知秋暗水
爭溝響輕烟夾樹浮
偶來清興劇不覺小
勾留

約尋蓮浦金臺菴不果

黃鵠磯頭客乍回擬尋精舍到禪臺僧厨酒熟堪供獵行
篋詩多待共裁松寺門深晴漏日柳塘波溢曉驚雷祇緣
畏暑遲良晤不爲君嗤帶熱來

岫列軒即事

盡日蕭齋景色幽凭闌高敞勝凭樓山腰雲起窗如洞谷
口風來屋似舟菡萏颺紅移水面芭蕉扶綠出牆頭尤憐
清簟疎簾裏一雨初過便得秋

睡起

午餘支枕小匡牀避暑真堪老此鄉夢裏竹光侵簟綠靜
中荷氣襲衣香微風雙鵲噪相逐殘日一蟬吟獨長何必

休官陶靖節才能領取北牕涼

咏盆蓮

漫說澄湖泛棹時憑將縮本入盆池
誰家畫障依稀似翠羽紅鱗著折枝

出水便能高勝葉先秋不算晚
開花多情盡日容相對舒向朝陽卷暮霞

月明如雪一庭方礪戶無風自在香
莫爲陵波嫌步窄亭亭還在水中央

立秋夕雨

秋風如仙姝肌骨皆冰玉吹氣若沆瀣
令人滌煩溽金天

渺何處悵望勞極目夜半以爲期素蚪不須促薄暮新涼
生殘暑裝已束疎雨從西來片雲陰我屋微風復乘之瀟
灑入松竹林陰合復開簷溜斷還續好山屋後靑流水門
前綠暑退萬緣輕涼生一杯足桃笙滑如油蘭湯不須浴
宵深絙瑤瑟一奏河汾曲手折芙蓉花兩袖有餘馥舍情
欲遺誰佳人在空谷

酷暑戲遣

昨日送暑去今日暑復旋復旋不可禦火繳張空圓燧象
奔我後火牛突我前我左爐炭熱我右湯釜煎粘壁有乾
蝸翳葉成枯蟬毛髮能幾何得不生焦烟欲避不知處遐

想清冷淵忽憶荷鋤子戽水方在田不惜已身槁但望禾
頭鮮復有負擔者熱鎬如蟻緣汗出不暇揮路長難息肩
念此生清涼肌膚都灑然湘竹簟可徹齊紈扇可捐掛我
懷鼻禪曝我蠹魚編張我北風圖讀我秋水篇我篋有苦
茗我井有冽泉安心既有法尋樂方無邊炎官復何顏至
此猶遷延寄語躁心人奔走徒翩翩帶熱競相誚喝死誰
相憐盍停東郭履來共北牕眠

待雨

何處涼風過知從雨裏來亂山爭落日芳樹隱輕雷水際
疎蟬歇村邊獨鳥回片雲飛不至翻欲藉詩催

七夕詞

日暮牽蘿翠袖單
明珠賣却剝空筩
聘錢不爲天孫貰
始信人間稱貸難

莫道雙星浪得名
仙期自重俗緣輕
君看灑淚都成雨
夕是雨轉覺無情勝有情

相望天涯又水涯
雲駟不礙鵲橋斜
臨風私祝無他願
每到今宵郎在家

翠杼鈿鍼巧可知
金風玉露苦相思
誰家弄嬌香閨裏
十指由來鈍似稚

朱大篤怡 廣文招飲戲贈

我輩索酒如索逋晨夕不厭當關呼今君得官勝得舉賀
客喁喁滿庭宇華堂昨日開綺筵廣文誰道寒無氈俄看
步兵出佳釀恰疑司業先送錢廉空察貳紛相續轉怪盤
中無首宿漫言菽乳成儒酸絕勝萍蠶厭豆粥滿堂拇戰
聲嘈嘈菜園踏破糟邱高十客之具萬錢費冷官如此差
足豪問君何時却赴歛君言到官待良月此地平生夢魂
接三十六峯雲疊疊他年襍被倘來游官厨有酒還思獵

秋陰詞

卧聞啼鴉枝頭鳴曉窓闌慘如未明慵起披衣怯衣薄欲
雨不雨天冥冥輾轡朝開澄碧井梧桐覆幹悄無影草間

蟲子吟不休樹下猗兒睡未醒燕子一去雕梁空苔階寂
寞稀行踪蛛絲綴露若明鏡虛檐蕩漾來淒風開軒一面
皆列岫木葉微零石骨瘦遙看樵徑如有人坐覺寒烟蒼
巖竇曠觀野色何蒼蒼陽烏晝匿無晶光平蕪粘天轉深
碧敗柳拂地成淡黃此時巴蜀從軍者隴頭暗水鳴鳴瀉
殺氣朝昏出獵旗蕭聲暮動歸營馬壯士成羣慘不驕却
聽哀笳淚盈把亦有樓頭凝望人房櫳宛轉棲輕塵轉盼
月昏穿線榭回頭霧暗采蓮津浮雲淄淄少來鴈野水茫
茫無去鱗忽憶去年方作客江水涵天秋脉脉去帆婀娜
望不分隔江僅見蘆花白荒烟近護禰衡墳密靄遙遮宋

玉宅楚天極目皆模糊
罩遍三湘與七澤
即今遊興倦登臨
蕭齋夢覺生秋陰
琴書堆几坐常暗
松桂蔭牕窺更深
良蜩久歇林籟寂
宿羽早歸山色沉
西風更送晚來雨
一曲悲秋萬古心

古琴爲玉鑊賦

玉樵示我三尺琴
令我爲作秋夜吟
橫理庚庚若鱗
魄龍池黯慘中生
蟬上有程氏寶藏
欸不知何代傳於
今琴乎琴乎爾乃
產於洞庭之陰
龍門之岑
烈風迅雷之所激
嚴霜漂霰之所淋
夔襄薦法班爾製
身價定足高瓊琳
海上不患無絕境
壑下不患無知音
所恐木性過渫
越高張急

劃絃不任震驚耳目動心魄却於妙德乖情情泰山峩峩
江水深此中涵蘊難遽尋中聲在腹叩不盡至和醞醅非
煩滯不爭笙竽鬥金石枯桐所以微黃金山空木落秋氣
森君家屋傍青松林攜琴爲君一再鼓長保歲寒同此心

偶疾謝蘭坡吉士枉問

善病便吾嬾乘閒愛客過庭柯蟲網密場稻雀聲多蟹舍
方輸穗蠶叢定止戈

近聞川陝教匪盡就勦平

清談欣及此一爲起煩

疴

園樹小搖落案塵長滿盈拈花居士疾量水故人情舊癖

疎茶戲羸姿怯酒兵輸他老麗健

謂朱丈太初

暝坐啖黃精

中秋夜小集玉鑊齋中即送蓮浦翥雲赴郡城

經年作計浪悠悠把臂俄驚歲序遒
明月一庭剛半夜故人同坐此中秋
松風成韻覺山靜竹露有光如水流
忍冷清吟須達旦明朝薺別亦堪愁

落虹橋畔女牆西舊夢昭亭路未迷
江水到秋猶練淨樓陰終古與雲齊
野田客思愁驢背深巷人家聽烏啼
珍重石門峯上月依然照爾宿琴溪

族姪先桂圃中牡丹中秋後忽開一花同人連日集

飲有作

化工妙手信竒絕往往未肯拘成轍
名花自足雨露恩亦

可迴光映霜雪木樨已謝鞠未華老圃秋容要點綴枝青
葉碧新透叢鞋紅一朵驚見瞥胭脂頰對楓林醉驚倒吾
鄉舊者蓋坡仙妙句吾能言詫道春華出霜枿彼猶冬令
近春陽此更先期占秋節看花踏破門限來談者云祥或
云孽我謂二客皆不然多事豐干枉饒舌蓮嘉芝瑞自昔
稱紛紛歌頌真成拙季秋梨花亦偶爾枉學杜公獨拗捩
惟有能詩陳子高九日枝頭瑞香結人間勝事宜流傳紅
錦薰籠誰解說我儕信比蜂蝶先早識春光私漏洩東波冬曰
牡丹詩有漏洩春光私一物句題詩有興醉有名天公似爲吾儕設所惜
主人位置乖豆棚瓜架頗嫌褻若要移植池上臺爲祝奇

香久不輟海南朱槿儋州蓮仙苗四季共滋茁有約還來
花下吟尋常莫遣金尊凸

擬元人十臺詩

求鼎求田志太奢皮冠翠被儘豪華無人大室曾當壁有
意乾谿竟作家夢澤宵寒明獵火渚宮春盡見飛花如何
相禮多長鬚不取餘皇只自誇

章華臺得華字

齊城七十漫云堅雪恥謀深祇杖賢五伯功名曾未有四
君風義此開先狗屠異日空樓市駿骨何人肯費錢贏得
秋風易水上幾回經過重淒然

黃金臺得賢字

無端神產竟雙株木客吟成已沼吳樂極江波沉夜月愁

來宮樹落秋梧於今歌舞留遺俗終古山川歇霸圖香徑

櫺廊何處是垂楊十里剽啼鳥

姑蘇臺得吳字

亭長歸來意氣豪悲歌擊筑數聲高百年魂夢依桑梓萬
里風雲想羽毛剽有功名同絳灌難將心事語蕭曹深宮
忘却娥姁在猛士何須念慮勞

歌風臺得高字

五載經營百戰場彭城千里亦巖疆英雄何必得天下富
貴不如歸故鄉南去楚歌曾四面西來秋雨幾重陽今看
汴泗交流處嗚咽猶疑哭憤王

戲馬臺得王字

中原逐鹿競干戈何幸南荒得尉佗五嶺從教開粵秀百
蠻都藉避秦苛霸陵有道思朝漢湟水無情送伏波歌舞

岡頭一回首紅棉飛絮滿層阿

粵王臺得佗字

青宮豈有木人埋趙虜能令骨肉乖晚悔輪臺同折骨貽
謀博望更傷懷可知好道成妖黷况復窮兵是禍階惆悵
壺關三老語茂陵長此恨無涯

望思臺得懷字

七字風流祖漢京未央北闕栢香清神君尚厭宮中住方
士虛勞海上行底事融風焚玉笈不將仙露挹金莖建章
厭勝終何用萬戶千門碧草生

栢梁臺得莖字

總帳飄零奠食涼西陵歌舞恨茫茫一家詞賦空秋草四
塞山河半夕陽過客閒來思拾瓦老姦癡絕命分香高齋
石趙同灰燼流盡繁華是濁漳

銅雀臺得漳字

誰應昌明兆五虹真憐渠是大英雄開來已了還都事老去徒傷過峴功翠輦久虛馳道毀黃山無主石牀空何緣陰室留遺物翻被孫嗤田舍公

凌歊臺得雄字

岫列軒即景

何須如畫說江城秋晚村居別有情雨後青山當戶冷日斜紅樹隔溪明人家密單炊烟熟老圃新鋤菜把生坐與鄰翁閒話久昏鴉歸盡欲初更

憶舊游

高齋燈燼不成眠作客無端憶去年杯酒獨澆名士冢片帆聊借買人船小孤雲氣飛衣上大別江聲落枕邊轉眼

雪泥成往迹夢騎黃鶴入寥天

李唐雪景卷子爲家西莊

澤綿

茂才賦

大塊噫氣飛廉呼打頭雪花千片巖黑雲沉沉天欲墮千
山萬山皆模糊昨遊燕趙景親歷瞥眼忽復見此圖圖開
滿堂色俱動元氣淋漓勝潑汞衝飈只懼捲紙飛密霰都
疑歷縑重誰歟作者宋李唐畫院舊授成忠郎馬劉各自
擅能事至今屈指推河陽蟹爪樹枝鬼面石縮本縱橫僅
一尺筆所到處風隨之樹枝欲拗石欲擘馬毛蜩縮人手
皴行旅一一飽寒色畫牛尤是其所長想見泥深沒蹶跡
忽憶宣和全盛年閤門待詔揮雲烟轉眼青城犢車出上

皇從此歸幽燕燕山九月雪花集乘輿只載青氍毹當時
雅愛卷親題若見此圖應雨泣可惜圖書全入金縱有大
幅皆銷沉此圖幸未入秘府不然豈得留至今憐君妙賞
置清供命我題詩識卷縫却令回首行路時朔風吹人塵
頰洞詩成疾寫不暇停滿紙寒生筆將凍

玩月懷翥雲

霜氣逼簷入月華如水傾時時依檻轉故故傍人清木落
秋無影山空夜有聲溫經能熟否辛苦短燈檠

送族姪采臣

人生無百年擾擾爲名利駿骨堪堪羈金縶被下駟此理

關冥冥了不與人事我家有阿成矯矯人中驥兒時便與
游我方竹馬戲浮雲紛變遷一別十六歲去年踏軟紅晤
語把君臂小室縈爐烟圖書妙位置令非槃槃才長安居
豈易我雖數月留已飽塵土味君遽南歸家書爲君寄
送我春明門告我苦歸思目極南天雲晨昏缺趨侍便欲
偕急裝弱小頗爲累今秋竟脫然翩逐賓鴻至最好趨庭
時靈樁尚蒼翠此爲真樂耳佩印笑蘇季昨來叩我門聞
聲急倒屣爲問故鄉游大半如夢寐偶舉兒時言揖我謂
我識相逢何須臾相別何造次我知遊子心原非得已計
十上不見收一行將作吏

君以國史館
謄錄議叙得官

我兄得天全靈

光定長歸廣文足官飯力能供滫澡

謂令兄星五時
任常熟學博

老眼

看諸郎飛騰尚所冀以君薈雲姿終遂題橋志去去揚春
鞭無爲不得意

晨起對雪懷蓮浦金臺巷

夜雪疑已深猶聞檐溜滴庭砌暖旋融村墟皓初積豈不
憚晨興愛此羣動寂林岫攢繁花人家隱素羅稍稍聞呢
鴉高枝辨微黑言念山中人經旬曠良覲齋磬凝寒聲書
帷攬淨色磁瓶長不冰梅花暗香襲欲往同清吟何當傅
羽翼因之憶前歡秋山一徑入白雲澹香林落葉墊層級
素心兩三人挑燈話終夕歲月良不居離憂悄相逼晝過

薰爐灰微烟坐來息

爲釋見明題所畫巖關古寺圖

名聞關士久能否似高閑畫本宜呈佛遊人自愛山清泉
通竹筧怪石隱松關爲問門前路勞生幾往還

戲寄西莊乞綠萼梅花

半牆苔影上花枝脉脉春痕動小池

後五日
立春

昨日相看描

淺黛淡粧臨水立多時

暫罷清齋醉似泥不諧空累太常妻殘年客散眠孤館莫
爲羅浮好夢迷

曾聞萼綠降羊權翠袖相逢便得仙乞取一枝瓶供好曉

牕紗薄碧如烟

積雨新晴灑然有作

一片落燈風吹殘碧
虛月十日雨淋浪泥深
馬蹄沒前宵
玉虎鳴昨日玉龍戰
春光來幾旬等閒未識
面夢醒綠牕
曉竹外聞啼鳥
一年佳日多不如春晴
好梅花落已久
辛夷開尚早
即目良足欣
緘雲卷蒼昊
促辨踏青鞋
前村足
芳草安能徒憂愁
坐看東風老

社日雨後山行

東風微雨後
天外散晴霞
落日迷芳草
輕寒戀杏花
新流深澗綠
舊燒亂山斜
社鼓前村近
行行問酒家

家園即事

雨後園林一番新
疎疎花朵稱家貧
柳條著意遶寒食
燕子多情似故人
畧有圖書能免俗
都無絲竹可娛親

時家
慈壽

期已
近

殷勤爲報東風道
莫遣簾櫳慘麴塵

岫列軒坐雨

掩卷忽不愜
開軒空復情
遙天迷晝景
細雨靜春聲
俯仰孤懷寄
棲遲百病生
烟村聞叱犢
生計媿躬耕

奠墓歸作

野色更從山外豁
春陰多傍水邊生
偶隨芳草一程緩
忽見桃花雙眼明
茶鼓錫簫佳節事
紙錢麥飯故園情
那堪

隴畔經行處回首蒼烟古木平

悠然亭看牡丹寄懷朱蘭坡吉士

春風入戶花氣香午晴日罩亭中央橋心魚隊漾春活竹
外鳥聲延晝長隔牆青山好顏色飛來滿座都舉觴舉觴
忽不憚惆悵東華客送君楊柳蕩未含思君牡丹苞正坼
名花最好日中看故人不奈天涯隔豐宜門外花事濃香
車寶馬聲隆隆紅塵十丈那須怯著鞭何處無春風以我
惓惓意知君心亦同夢魂飛越江南路醉眠花下應相逢
江南三月春欲暮飛絮游絲罨不住千家簾幙匝地垂彩
雲一落不知處看花競把金屈卮不須更唱花間詞我憶

永嘉始解賞君游崇敬誰相期酒闌却向花前立花亦低
徊如有憶因風無自寄天涯一段國香銷不得

養蠶詞

蠶簇簇春樹朝籠牕影綠大婦出採桑小姑守蠶屋雨多
桑葉稀天寒蠶局縮食盡柔桑老不成照影無絲見空腹
一夜西風僵滿簇走訴蠶娘一家哭縲車棄置無掉時門
外債家催賣絲

刈麥詞

黃栗留麥黃甚熟喚隴頭隴頭三日雨栗留不復語但聞
鳴鳩逐婦聲淒淒泥深滑滑啼竹雞高處稻苗長一尺低

田麥穗芽抽白黃金棄地無從收出門路絕歸常愁癡兒
牽衣猶索餅昨夕床頭糧已盡

首夏雨中言懷

重陰不散一登樓風雨連天送麥秋盛漲溪聲喧似鼓新
滋樹色碧於油虛將書冊銷長晝併取乾坤入亂愁鰕菜
江南好時節五湖何計上扁舟

寄從子國梁讀書冰峯菴子家先塋所在也

六十衰兄望汝才貧家門卷半蒿萊難從薄俗資脩脯莫
把浮名付酒杯故隴松楸經雨長小菴鐘磬徹明催樓遲
不負他年志破浪乘風亦壯哉

鄉園蕨筍市聲殘，却憶山中襍被單。
幽澗鳥啼春已晚，層巖花落曉猶寒。
憐予祇學屠龍拙，似汝何愁畫虎難。
聽到冰絃心賞處，竹林思爲具銅盤。

近呈所作文數首，綽有進境。

禽言

姑惡姑惡，姑不惡，妾命薄，由來共命禽。
本是所生殼，彩鳳一隨鴉，反哺敢辭數。
霜風無心吹葦苕，自脆弱，巢痕倘未掃。
絲蘿可重托，胡爲林中鳩，勃谿有時作姑恩。
一曲風蕭蕭，隔林聽喚，婆餅焦。

首夏岫列軒卽事

首夏如秋復似春，鴉鳴池館偶然聞。
村邊樹色都連屋，嶺

上炊烟欲化雲天意陰晴渾未定壯懷哀樂苦多紛何當
煮酒青梅熟徑就田家醉夕曛

午日散步村野歸坐岫列軒有感

欲雨不雨呼鷓鴣青林的輕烟浮坐來十日不出戶南
風開遍安石榴蒲葵扇軟葛衣潤今朝却踏清溪頭是時
二麥登已畢農夫告我甕有收水田盡學僧衣製平碧一
色秧針抽雨暘從此畧應候秋成可必吾何憂聞道鳩江
好風景安得去上沙棠舟衣香人影滿江水玉簫金管聲
啁啾錦標雙銜破浪出珠簾十里迎風鉤是時一飲可一
斗真堪笑傲陵滄洲步回孤館艾懸戶同輩歸去我獨留

留亦無所戀歸亦無可游忽憶去年午日亦住此蹉跎不

覺歲已周詩朋翩翩去金馬

謂蘭坡吉士

談叟卧病歸菟裘

朱

丈太初

人生離合有如此豈能一酌消千愁重陰忽起雨入

牖芭蕉滴碎聲如秋時時引領望天末不知何處尋高樓

書懷寄家連浦金臺菴并東翥雲

相逢祇覺無多語已別翻嫌未盡歡莫倚黃金償好賦勤
將白髮付還丹清流仄徑尋常有細鳥濃花即次關想得
茶烟禪榻畔一聲疎磬到牕寒

腹笥便便亦可啣文書常與晝眠期試聽野鷓矜毛羽翻
笑游蜂造蜜脾各有高堂垂老歲難忘孤館坐愁時尤憐

瘦減腰圍客辛苦兒童句讀師

謂蕭雲

題趙仲穆射獵圖

吾愛李北平短衣射虎南山行又愛曹景宗鼻端生火耳
後風披鬪陡覺神爲王淺草平原劇遂曠朔方健兒好身
手五騎聯翩試飛放結束鬢鞞紅袴袂躍馬彎弧重一發
仰觀鵬眈各有神風毛雨血紛出沒集賢公子吳興居何
由貌此雄俊徒當時國故重田事近郊歲歲張周陸從茲
打捕遍天下鷹房獵戶無地無却思故國定愁絕五坊南
渡從來歇換劫紅竿行復休渡江白鴈誰能射王孫家世
空淒涼藝苑風流那堪說我因愛此丹青工題成筆底生

長風讀書射獵堪終老一卷韜鈴兩石弓

讀翥雲詩卻寄

仲夏結萬綠庭戶皆蔚藍曉起雨初霽爽氣生林巒開牕
拂硯席雜翠紛相參把君一卷詩如坐清冷潭碧陰信佳
句君詩有碧陰散
作雲滿身句讀罷齒頰甘仰眺檐前樹濃蔭高梗楠

好鳥忽飛來枝頭鳴兩三此唱彼若和同聲久呢喃如我
於君詩賞音夙所耽清濁我爲辨得失君自諳豈曰切劘
益畧免附和慙佳人竟何處碧雲天西南何時一攜手解
帶眠蘿龕我歌子復答間以清元談綠陰能膩人一晌神

魂酣

坐雨

積雨不知休，空庭濕氣流。
下簾雙燕寂，藏葉一花愁。
慘淡陰生晝，成虧慮在秋。
齋居深閉戶，能有客來不。

寄家崇垣陳州

中州從古盛賢豪，君去何辭結納勞。
客鬢休臨清潁岸，時艱試聽濁河濤。
時聞黃河決口尚未塞十年同學誰裘馬，一例依人似桔槔。
若遇酒徒須早避，儒冠容易笑吾曹。

過村舍偶題

澗水韻鳴琴，人家修竹林。
綠陰生靜思，黃鳥尚春心。
雲岫不知數，稻陂如許深。
逕來休問主，扶杖自行吟。

納涼作

月出山愈靜，晃漾開烟霏。迳林生虛籟，廣除流素輝。蕉葉
光不定，藕花香更微。玲瓏映深樹，皎潔鑒薄帷。散帙不能
寐，起坐開荆扉。前村聞犬吠，知有行人歸。瑤琴發清響，宿
鳥相驚飛。豈爲知音希，不飾黃金徽。此中有妙悟，涼風吹
我衣。

送從子國梁金陵秋試

六月漫江水，征帆去渺然。亂蟬風外樹，孤鷺鏡中天。破浪
看茲日，圍棋憶昔年。謝郎能了事，早晚捷書傳。

旅食應量腹，擔書好下帷。齏鹽清味永，衫袖墨痕滋。夜月

金陵酒秋風太白祠閒將八分筆寫我舊題詩

寄家虛齋履平

世準

兄弟讀書石巖精舍兼示心一

上人

平生讀書處何必異匡山石徑無人到藤蘿盡日閒花飛
清磬裏鳥下翠微間羨汝聯牀住禪扉聽雨關

散帙尋芳草題詩寄白雲溪山惟此秀兄弟況能文小住
吟叢桂重來檢舊芸十年仍故我慙被老僧聞

即目

紅荷照水影初齊綠柄迎風故故低小立蜻蜓嫌不穩一
時飛過赤欄西

送同學諸子赴秋試

青山城郭秣陵秋七月帆牆夾岸稠
薄暮潮痕生別浦新涼人意愛扁舟
文章彩筆傳神助風月烏衣憶勝游
此去蓬山開桂籍好將名字動滄洲

六朝陳迹足登臨
羣屐風流想到今
星斗光寒秋夜靜
魚龍氣湧大江深
相思獨對山中桂
知已能聽海上琴
待得高齋同把酒
楂楂簷鵲有佳音

送家虛齋蓮浦翥雲暨蘊山蓮圃二姪秋試

鯉魚風起秋江腥
中流呼嘯驚江靈
白浪作花噴采石
青山如馬趨金陵
瞬息征帆三百里
丈夫得志正如此
謝安

始信爲蒼生殷浩終知非國士秋江兩岸芙蓉多往往零
落隨江波擷芳滿把欲誰贈擊楫能爲知音歌溫太真李
太白二千年來無此客燃犀騎鯨何處游一片精靈招不
得團團海底月掛在鍾山松相思三五中秋夜閒煞小山
丹桂叢諸君各酣戰彩筆飛晴虹欲學曹劌助桴鼓安得
跳立浮雲中下視秋江深畢弗隱隱雷霆撼蜃窟驤首奮
翼羣龍歸一躍天門入雙闕故園九月黃花新玉瓶攜得
金陵春重陽遲爾登高處爲指東南五色雲

再送蓮浦

酌酒烹葵餞故人就中少小與君親關心憂患多相似低

首文章况有神此事已經三折臂前途應遇九方默金陵
好景從來負準擬題詩了宿因

食藕

幾節傷荷藕醜來何處塘自然含水液猶是作花香宛轉
冰絲軟玲瓏玉臂涼菱歌還可聽吾欲老江鄉

驟雨

驟雨乘風繚亂侵黑雲如浪岫平沉烏鳶旋旋飛還急松
竹蕭蕭響更深六月清涼游子慶

時姪輩方
赴鄉舉

三秋成熟腐

儒心新詩報答真聊爾價值何堪論萬金

納涼

當戶輕衫愛晚晴
簾紋初卷扇初停
微風禾黍水兼淨
落日林巒天與青
剩欲扁舟浮渺漭
差宜短笛鳴瓏玲
尤憐今夜書窗裏
消受爐香一卷經

中秋夜坐憶鄉試諸君

獨酌不成醉
秋風吹滿衣
他鄉明月共
今夕故人稀
露下陰蟲急
江寒早鴈飛
桂花如有意
留待汎查歸

呈當塗尹領小逋師

侍坐三年別傳聞
一夕驚風波銷宦
况祈禱見民情
著屐青山在
投簪白髮盈
遙知懷抱處
瀟灑尚平生
莊生悟欲槁
陶令柳初春
詩好能妨命
官深祇益貧
片帆

牛渚月千尺鶴湖尊何日遣歸去茅山待卜鄰

和翟補菴

繩祖

廣文池州告歸詩

先生淡蕩好襟懷絳帳春風處處皆獨抱遺經臻上壽每
令大府畧崇階河汾事業傳諸弟安定規模有兩齋自與
羣公同報

國不妨時俗笑乖厓

一時佳話滿江南此味方如噉蔗甘潭水桃花魚尺半柴
門楊初月初三休將舊夢榮秋浦豈必新銜號晦菴留得
元龍豪氣在熊羆猶是却高談

六一歸田絕妙詩先生心事野鷗知儒冠本是脩初服費

舍尤難得去思到處開雲棲石壁

近授徒旌
德汪氏

後來長日種

松枝龍門風水欣相近載酒從游定有期

朱蘭坡吉士寄丞詩稿却寄

一冬無事常兀兀木落山空露寒骨開顏忽得故人書手
把新詩對明月故人一別歲已周明月中間幾圓缺新詩
皎皎開心胸月魂喚出天朦朧東華塵土高十丈清興想
在冰壺中凍醪浮杯綠蟻鬧明簾腕地紅螺烘此時應念
山中客踏碎霜華印行迹微吟有句不能豪笑煞子雲元
尚白東塗西抹皆悠悠此事終難效高格江南臘月如春
溫梅花開遍溪上村繞花弄影不能睡素心無復同清樽

碧空杳杳月初墮何處寒烟遮薊門